

Nr. 237 Prot.

Nr. 19 Prot.

## **Marrëveshje Bashkëpunimi**

E lidhur në Tiranë, sot më 08 /03 /2024, midis palëve:

**Shoqata Shqiptare e Bankave (AAB)**, organizatë jo-fitimprurëse, e regjistruar në Gjykatën e Rrethit Tiranë me Vendimin e Gjykatës nr. 1153, datë 14/04/1999, me seli në Rrugën "Ibrahim Rugova", Sky Toçer, Kati 9, Apartamenti 3, Tiranë, përfaqësuar nga Z. Spiro Brumbulli, Sekretar i Përgjithshëm, (më poshtë AAB)

*dhe*

**Autoriteti Kombëtar Për Certifikimin Elektronik dhe Sigurinë Kibernetike (AKCESK)**, Rr: "Papa Gjon Pali i II", Nr. 3, Tiranë, përfaqësuar nga Z. Igli Tafa, Drejtor i Përgjithshëm, (më poshtë AKCESK)

Meqenëse ekzistojnë kushtet paraprake si vijon:

- Autoriteti Kombëtar për Certifikimin Elektronik dhe Sigurinë Kibernetike (AKCESK), në kuadër të angazhimeve të shtuara për të siguruar mbrojtjen e infrastrukturave kritike dhe të rëndësishme të informacionit në nivel kombëtar, ka paraqitur një kërkesë për bashkëpunim me AAB-në me qëllim rritjen e monitorimit të aktiviteteve keqdashëse drejt infrastrukturave të informacionit dhe mbrojtjen e tyre;
- Shoqata Shqiptare e Bankave ka për synim rritjen e sigurisë kibernetike në sektorin bankar, si infrastruktura kritike dhe të rëndësishme të mbrojtjes së informacionit dhe jo vetëm, si dhe ndarjen mes tyre të sfidave të sigurisë kibernetike.

Palët bien dakord për lidhjen e kësaj Marrëveshje si më poshtë vijon:

### **Neni 1 Objekti i Marrëveshjes**

- 1.1 Objekti i kësaj marrëveshje është mbështetja financiare e Autoritetit Kombëtar për Certifikimin Elektronik dhe Sigurinë Kibernetike, për ofrimin e shërbimeve:
  - a. Any.Run Enterprise me një vlerë referencë 7,000 Euro: <https://app.any.run/plans/>
  - b. Sniper Enterprise me një vlerë referencë 1,900 Euro: <https://snipersecurity.com/wordpress/>
  - c. Maltego Pro me një vlerë referencë 1,100 Euro: <https://buy.maltego.com/shop/default>.

- 1.2 Rregullimin e marrëdhënieve ndërmjet palëve lidhur me ofrimin, pranimin dhe përfitimin e këtij bashkëpunimi.
- 1.3 Rregullimin e afateve, kushteve dhe mënyrës së realizimit të mbështetjes financiare.

## **Neni 2** **Baza ligjore**

Kjo Marrëveshje hartohet në përputhje me dispozitat e Kodit Civil të Republikës së Shqipërisë, i ndryshuar.

## **Neni 3** **Dakordësimi ndërmjet palëve**

- 3.1 Palët bien dakord që AAB do të vërë në dispozicion vlerën deri në 10,000 (dhjetë mijë) Euro përfshirë çdo taksë të aplikueshme, me qëllim për të mundësuar shërbimet parashikuara në nenin 1, pika 1.1 të kësaj Marrëveshje.
- 3.2 Palët bien dakord që AAB do të kryejë pagesën ndaj subjekteve që do të ofrojnë shërbimet e parashikuara në nenin 1, pika 1.1 të kësaj Marrëveshje, sipas kushteve përkatëse të secilit subjekt, për vlerën e rënë dakord në pikën 3.1
- 3.3 Palët bien dakord se pagesa prej AAB-së do të kryhet në llogarinë e subjektit/subjekteve përkatës sa parashikuar në pikën 3.2 më lart.
- 3.4 Palët bien dakord që në rast se, për shërbimet e përcaktuara në nenin 1, pika 1.1, tejkalohej vlera e parashikuar në pikën 3.1 të këtij neni, AAB të tërhiqet nga blerja shërbimit që ka vlerën më të vogël.

## **Neni 4** **Detyrimet e palëve**

### *4.1. AAB merr përsipër:*


- a. Të realizojë pagesën e parashikuar në nenin 3, pika 3.1 të Marrëveshjes për nevojat e identifikuar nga AKCESK.
- b. Të deklarojë se pagesa është në përputhje të plotë me kërkesat e rëna dakord midis palëve.

### *4.2. AKCESK merr përsipër:*

- a. Të marrë në dorëzim shërbimin sipas qëllimit të përcaktuar në nenin 1, pika 1.1 të kësaj Marrëveshje.

## **Neni 5** **Kohëzgjatja e Marrëveshjes dhe përfundimi i saj**

- 5.1 Kjo Marrëveshje hyn në fuqi me nënshkrimin e saj nga palët dhe është e vlefshme deri në përfitimin e shërbimit të parashikuar në Nenin 1, pika 1.1 të marrëveshjes, por në asnjë rast më vonë se data 31 dhjetor 2024.
- 5.2 Palët, me vullnetin e tyre, mund të zgjidhin Marrëveshjen me efekt të menjëhershëm nëse nuk janë plotësuar kushtet e Marrëveshjes të parashikuara në nenin 4.



**Neni 6**  
**Zgjidhja e mosmarrëveshjeve**

Mosmarrëveshjet, që mund të lindin ndërmjet palëve, do të zgjidhen me mirëkuptim, në të kundërt, palët i drejtohen për zgjidhjen e tyre Gjykatës e Shkallës së Parë të Juridiksionit të Përgjithshëm Gjyqësor, Tiranë.

**Neni 7**  
**Njoftimet**

Të gjitha njoftimet, korrespondenca, paralajmërimet, deklaratat e dhëna ose që kërkohen sipas kësaj Marrëveshje, do të jenë me shkrim dhe do të regjistrohen në protokollin institucional të palëve të përfshira në këtë Marrëveshje. Të gjitha njoftimet do të jenë të vlefshme në momentin që do të merren nga Pala ose kur Pala tjetër e regjistron atë në protokollin institucional, cilado të jetë e mëparshme, dhe do të dorëzohen dorazi, me postë të regjistruar sipas adresave të Palëve të përmendura më poshtë. Në rast të ndryshimit të ndonjë adrese, Pala që ka ndryshuar atë është e detyruar të informojë Palën tjetër me shkrim.

**a) Për AKCESK:**

Igli Tafa

Adresa: "Papa Gjon Pali i II", Nr. 3, Tiranë

E-mail: [igli.tafa@cesk.gov.al](mailto:igli.tafa@cesk.gov.al)

Tel: +35542221039

**b) Për AAB:**

Spiro Brumbulli

Adresa: Rr. Ibrahim Rugova, Sky Toëer, A 9/3

E-mail: [spiro.brumbulli@aab-al.org](mailto:spiro.brumbulli@aab-al.org)

Tel: +355 4 2280371/2

**Neni 8**  
**Dispozita të fundit**

- 8.1 Palët përgjigjen reciprokisht për respektimin e kësaj marrëveshje.
- 8.2 Çdo ndryshim apo shtesë e kësaj Marrëveshje do të bëhet vetëm në formë të shkruar.
- 8.3 Kjo marrëveshje u hartua në 2 (dy) kopje, nga një kopje origjinale për secilën palë, në gjuhën shqipe, të cilat pasi bien dakord e nënshkruajnë atë rregullisht.

Kushtet e mësipërme miratohen dhe kjo Marrëveshje nënshkruhet në emër të palëve:

Shoqata Shqiptare e Bankave

  
Spiro Brumbulli  
Sekretar i Përgjithshëm



Autoriteti Kombëtar për Certifikimin  
Elektronik dhe Sigurinë Kibernetike

  
Igli Tafa  
Drejtor i Përgjithshëm

